

GENTING HIGHLAND, 20 OKT. (BERNAMA) — KEPESATAN PEMBANGUNAN EKONOMI DI NEGARA-NEGARA ASEAN TELAH MEWUJUDKAN SATU PASARAN PELANCONGAN YANG MENGUNTUNGGAN DI RANTAU INI. PERDANA MENTERI DATUK SERI DR. MAHATHIR MOHAMAD BERKATA HARI INI.

BERUCAP MERASMIKAN FORUM PELANCONGAN ASEAN DI SINI, BELIAU BERKATA NEGARA ASEAN KAYA DENGAN TEMPAT-TEMPAT YANG MENARIK DAN WARISAN KEBUDAYAANNYA YANG MAJMUK BOLEH MEMIKAT MINAT BUKAN SAJA PENDUDUK RANTAU INI TETAPI JUGA MEREKA DARI LUAR.

KATANYA, APA YANG PERLU TALAH MENGADAKAN LAWATAN BERKELUMPUK YANG MENARIK DAN PEMASARAN YANG LEBIH AGRESIF.

BELIAU BERPENDAPAT FORUM ITU MEMBERI KESEMPATAN KEPADA PARA PESERTA BERBINCANG DAN BERTUKAR-TUKAR PENDAPAT MENGENAI PERKARA ITU.

BELIAU MENEGASKAN RANTAU ASEAN TERUS MENJADI KAWASAN PERTUMBUHAN DAN KESTABILAN DAN INI MEMBOLEHKANNYA MENUMPUKAN USAHA KE ARAH MENINGKATKAN KEMAJUAN DALAM BEBERAPA BIDANG KEGIATANNYA. — BERSAMBUNG 1847/SZ

B627  
MAHATHIR 2 GENTING HIGHLAND

KATANYA, IA JUGA TELAH MEMBOLEHKAN ASEAN BEKERJASAMA SECARA LEBIH BERMAKNA DENGAN NEGARA-NEGARA DAN RANTAU YANG LAIN.

DATUK SERI DR. MAHATHIR MENSIFATKAN FORUM ITU YANG DIANJURKAN DENGAN KERJASAMA PERTUBUHAN-PERTUBUHAN DALAM KEDUA-DUA SEKTOR AWAM DAN SWASTA SEBAGAI SATU CONTOH YANG BAIK MENGENAI KERJASAMA ASEAN.

KATANYA, IA MENUNJUKKAN KESUNGGUHAN ASEAN UNTUK MEMUPUK KERJASAMA LEBIH ERAT DI KALANGAN NEGARA-NEGARA ANGGOTA.

+KAMI DALAM ASEAN YAKIN PENUH KERJASAMA SERANTAU MERUPAKAN ALAT MENCAPAI LEBIH BANYAK PELUANG DAN KESTABILAN DI RANTAU INI + TAMBAHNYA.

BELIAU BERKATA INDUSTRI PELANCONGAN DI NEGARA INI TELAH BERKEMBANG DENGAN MENGGALAKKAN DAN KINI MERUPAKAN PERUSAHAAN YANG PENTING SELEPAS GETAH, PETROLEUM, TIMAH, MINYAK SAWIT, DAN BALAK. — BERSAMBUNG 1850/SZ

B001  
MAHATHIR 3 GENTING HIGHLAND

TUKARAN WANG ASING YANG DIHASILKAN OLEH INDUSTRI ITU JUGA TELAH MENINGKAT DALAM MASA 10 TAHUN YANG LALU DARI \$312 JUTA DALAM TAHUN 1970 KEPADA \$616 JUTA TAHUN LALU.

MENURUTNYA, SEPANJANG TAHUN LALU KIRA-KIRA 1.5 JUTA PELANCONG MELAWAT NEGARA INI.

DATUK SERI DR. MAHATHIR BERKATA BERDASARKAN ALIRAN SEMASA, JUMLAH PELANCONG YANG MELAWAT NEGARA INI DIANGGARKAN AKAN BERTAMBAH MENJADI 2.8 JUTA DALAM TAHUN 1985.

BEBERAPA PROJEK YANG AKAN DILAKSANAKAN DI BAWAH RANCANGAN MALAYSIA KEEMPAT AKAN MENGHASILKAN KEMUDAHAN-KEMUDAHAN LEBIH BAIK BAGI PARA PELAWAT MENGUNJUNGI NEGARA INI.

INI TERMASUK MEMBESARKAN LAPANGAN-LAPANGAN TERBANG, PEMBINAAN DAN MEMPERBAIKI SISTEM JALANRAYA DAN PEMBANGUNAN INFRASTRUKTUR.

BELIAU BERKATA: +DALAM MEMBANGUNKAN NEGARA, KITA JUGA MEMBERI TEKANAN TERHADAP MEMAJU DAN MENGEKALKAN KEBUDAYAAN DAN NILAI-NILAI KEBANGSAAN.+

+INI AKAN DICERMINKAN DALAM ALAM SEKITAR TERUTAMA DALAM CARA HIDUP RAKYAT, KESENIAN DAN SENI BINA,+ KATANYA.

— BERSAMBUNG 1905/SZ

B632

MAHATHIR 4 GENTING HIGHLAND

KIRA-KIRA 600 ORANG WAKIL DARI KELIMA-LIMA NEGARA ANGGOTA DAN PESERTA DARI LUAR RANTAU INI MENGHADIRI FORUM SELAMA SEMINGGU ITU.

TIMBALAN PERDANA MENTERI THAI, TUN THANAT KOMAN DAN MENTERI PERDAGANGAN DAN PERINDUSTRIAN, TENGGU AHMAD RITHAUDDEEN JUGA AKAN BERUCAP DI FORUM ITU. — BERNAMA 1907/SZ